



An public health awesi ewe ennukun aean pwonupwonun won maas non imwen sukuun

Ewe Oregon Health Authority (OHA) e etiwa ewe ennukun aean pwonupwonun won maas non imwen sukuun fan ewe Saneweri 28, 2022. OAR 333-019-1015. Fan nurun ewe ennuk nge ewe State Public Health Meinap ika Ofiserun State Public Health mei tongeni awesi ewe ennukun aean pwonupwonun won maas non imwen sukuun ika ese chiwen namwot ngeni tumwunun cheunon COVID-19.

Non Maas 11, 2022 mwirin kunok 11:59 nuukenipwin, epwene wesino ewe ennukun aean pwonupwonun won maas non OAR 333-019-1015. Ewe ennukun aean pwonupwonun won maas ese chiwen namwot fan iten an kisikisino cheunon COVID-19 non Oregon non fitu kinikin, pachenong nge ese pwan keuk seni:

- Chon niiwing non pioing ren COVID-19 a kukkun seni 300 aramas.
- Fan ewe Maas 8, 2022, ewe 7-ranin keukun chon semwen nge 520 keis/iteiten ran a koturutiw 94% seni an ewe napeno 8,209 keis/iteiten ran non ewe Saneweri 20; a pwan kukkun seni ewe 7-ranin keukun nampan keis seni fan ewe Suunae 2021.
- Seni non ewe Maas 9, 2022, 75.5% ren aramas ier 18 feita re nonnomw non Oregon ra angei ar opposun eppetin COVID-19, fengen me a wor eppetin ren ekkewe aramas re keran chikar seni COVID-19 non ekkewe fansoun e napeno chon semwen ren ewe Delta me Omicron.

OHA mei pesei ngeni aramas epwe watte ngenir semwen ika repwe niiwing ren semwen, konnien non ekkewe Community mei ekis watte ika fokkun watte cheufetannin semwen, ren met sia sinei meren chon [Centers ren Disease Control me Prevention \(CDC\) Keukun Cheunon COVID-19 non Community](#), repwe sopweno ne aea ar pwonupwonun won maas me non ew neni, pachenong aramas:


- Rese mwo angei ar opposun eppet,
- Mei apwangapwang noun menun fiu ngeni semwen,
- Mei wor pwisin ar watten semwen,
- Ra ier 65 feita, ika
- Re nomwofengen me ekkoch aramas epwe chouchou ngenir semwen.

OHA epwe sopweno ne angang ngeni an epwe tour ngeni aramas ar opposun eppet, ar pwonupwonun won maas mei pochokkun, kaworen tess me safei non ekkewe community re kon osupwang ren ewe semwen COVID-19.


Ese wor porousen non ei ennuke epwe eppet chon meinapen sukuun ar repwe sopweno ar tichiki ngeni chon angang, chon sukuun, chon aninnis me chon chuuto non sukuun ar repwe aea pwonupwonun won maas. Aramas re mochen sopweno ne aea ar pwonupwonun won maas ren eppet COVID-19 mei tongeni.

Mei chiwen wor ennuke aean pwonupwonun won maas non nenien tumwun mei semwen me fan nurun OAR 333-019-1011.

Pwinin maram ketiwen ei taropwe, Maas 11, 2022.



Rachael Banks
Meinapen Public Health
Oregon Health Authority
Kinikinin Public Health



Dean Sidelinger
Health Officer me State Epidemiologist
Oregon Health Authority
Kinikinin Public Health

Toureochoon taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokkori ewe COVID-19 Communications Unit won nampa 1-971-673-2411, 711 TTY ika COVID19.LanguageAccess@dhs.oha.state.or.us